

Član 5.

Visina naknade za zemljište iz člana 1. ove Odluke utvrđuje se rješenjem o dodjeli, odnosno rješenjem o preuzimanju u postupku sporazumnog određivanja naknade, zaključivanjem sporazuma između vlasnika preuzetog odnosno ekspropisanog zemljišta, odnosno budućeg investitora i Pravobranilaštva Općine Stari Grad Sarajevo, u skladu sa članom 2. ove Odluke nakon pravosnažnosti rješenja o preuzimanju odnosno eksproprijaciji zemljišta.

Član 6.

Ova Odluka stupa na snagu danom objavljivanja na oglasnoj tabli Općine Stari Grad Sarajevo, a naknadno će biti objavljena u "Službenim novinama Kantona Sarajevo".

Broj 02-49-303/12
28. juna 2012. godine
Sarajevo

Predsjedavajući
Općinskog vijeća
Stari Grad Sarajevo
Prof. dr. **Rizah Avdić**, s. r.

Objavljeno na oglasnoj ploči 02.07.2012. do 19.07. 2012. godine

Na osnovu člana 68. Zakona o građevinskom zemljištu Federacije Bosne i Hercegovine ("Službene novine Federacije BiH", broj 25/03, 16/04 i 67/05), i člana 25. Statuta Općine Stari Grad Sarajevo-Prečišćeni tekst ("Službene novine Kantona Sarajevo", broj 31/08), Općinsko vijeće na sjednici održanoj 28.06.2012.godine, donijelo je

ODLUKU

O VISINI NAKNADE ZA POGODNOSTI GRADSKOG GRAĐEVINSKOG ZEMLJIŠTA-RENTE NA PODRUČJU OPĆINE STARI GRAD SARAJEVO ZA 2012. GODINU

Član 1.

Ovom Odlukom utvrđuje se visina naknade za pogodnosti gradskog građevinskog zemljišta- rente po m² koju plaćaju fizička lica i pravna lica radi građenja.

Član 2.

Visina naknade za pogodnosti gradskog građevinskog zemljišta-rente utvrđuje se po zonama u procentu od konačne prosječne građevinske cijene 1 m² stambene površine koja iznosi 1.154,20 KM/m² i to kao fiksni procenat rente:

- prva zona u procentu . . . od 6% što iznosi 69,24 KM/1m²
- druga zona u procentu . . . od 5% što iznosi 57,71 KM/1m²
- treća zona u procentu . . . od 4% što iznosi 46,16 KM/1m²
- četvrta zona u procentu . . . od 3% što iznosi 34,62 KM/1m²
- peta zona u procentu . . . od 2% što iznosi 23,08 KM/1m²
- šesta zona u procentu . . . od 1% što iznosi 11,54 KM/1m²

Član 3.

Prosječna konačna građevinska cijena iz člana 1. ove Odluke valorizuje se u toku godine svaka tri mjeseca na osnovu indeksa rasta cijena građevinskih radova u visokogradnji i niskogradnji po sumarnoj metodologiji i podacima koje objavljuje Federalni Zavod za statistiku.

Član 4.

Naknada za pogodnost gradskog građevinskog zemljišta utvrđuje se rješenjem o dodjeli zemljišta, a plaća se u roku od 15 dana od dana pravosnažnosti rješenja.

Član 5.

Visina naknade za dodjeljeno gradsko građevinsko zemljište na korištenje po m² korisne površine građevine koja će se graditi za stambeni, poslovni i proizvodni prostor za predmete koji su zaprimljeni do 31.12.1999. godine (stara legalizacija), a još nisu riješeni, iznosi u:

- I. zoni građevinskog zemljišta 10,00 KM
- II. zoni građevinskog zemljišta 8,00 KM
- III. zoni građevinskog zemljišta 6,00 KM

- IV. zoni građevinskog zemljišta 4,00 KM
- V. zoni građevinskog zemljišta 2,00 KM
- VI. zoni građevinskog zemljišta 1,00 KM

Član 6.

Ova Odluka stupa na snagu danom objavljivanja na oglasnoj tabli Općine Stari Grad Sarajevo, a naknadno će biti objavljena u "Službenim novinama Kantona Sarajevo".

Broj 02-49-302/12
28. juna 2012. godine
Sarajevo

Predsjedavajući
Općinskog vijeća
Stari Grad Sarajevo
Prof. dr. **Rizah Avdić**, s. r.

Objavljeno na oglasnoj ploči Općine 02.07.2012. do 19.07.2012. godine

Na osnovu člana 25. Statuta Općine Stari Grad Sarajevo ("Službene novine Kantona Sarajevo", broj 31/08 - Prečišćeni tekst i 16/12) i člana 20. stav 2. Odluke o prodaji poslovnih prostora zakupcima - Prečišćeni tekst ("Službene novine Kantona Sarajevo", broj 27/11), Općinsko vijeće Stari Grad Sarajevo, na sjednici održanoj 28. juna 2012. godine, donijelo je

ODLUKU

O KORIŠTENJU SREDSTAVA OSTVARENIH PRODAJOM POSLOVNIH PROSTORA

Član 1.

Ovom Odlukom odobrava se korištenje dijela sredstava ostvarenih prodajom poslovnih prostora, evidentiranim na posebnom namjenskom računu u sklopu JRT općine, a u svrhu rekonstrukcije devastiranih poslovnih prostora na kojima pravo raspolaganja ima Općina Stari Grad.

Član 2.

Sredstva iz člana 1. ove Odluke u planiranom iznosu od 33.300,00 KM koristit će se za realizaciju slijedećih projekata i to:

- rekonstrukciju požarom oštećenih krovova poslovnih prostora u ulici Trgovke u iznosu od 16.300,00 KM
- rekonstrukcija oštećenog krova poslovnog prostora u ul. Ferhadija br. 29 u iznosu od 7.000,00 KM
- rekonstrukcija oštećenog krova poslovnog prostora u ul. M.M. Bašeskije br. 63 u iznosu od 10.000,00 KM.

Član 3.

Navedena sredstva iz člana 2. ove Odluke biće iskazana u Budžetu Općine Stari Grad Sarajevo za 2012. godinu na poziciji 821600 - rekonstrukcija poslovnih prostora, a istovremeno će biti smanjena pozicija 821200 - izgradnja poslovnih prostora za isti iznos.

Član 4.

Ova Odluka čini sastavni dio Budžeta Općine Stari Grad Sarajevo za 2012. godinu.

Član 5.

Ova Odluka stupa na snagu danom donošenja i biće objavljena u "Službenim novinama Kantona Sarajevo".

Broj 02-49-309/12
28. juna 2012. godine
Sarajevo

Predsjedavajući
Općinskog vijeća
Stari Grad Sarajevo
Prof. dr. **Rizah Avdić**, s. r.

Na osnovu člana 27. i 28. Zakona o budžetima u Federaciji Bosne i Hercegovine ("Službene novine Federacije BiH", broj 49/06, 9/09, 35/09, 12/10, 40/10 i 46/10), člana 2. Zakona o trezoru u Federaciji Bosne i Hercegovine ("Službene novine Federacije BiH", broj 19/03 i 79/07) i člana 25. Statuta Općine Stari Grad Sarajevo ("Službene novine Kantona Sarajevo", broj 31/08 - Prečišćeni tekst i 16/12), Općinsko vijeće Općine Stari Grad Sarajevo, na sjednici održanoj 28.06.2012. godine donijelo je

ODLUKU
O USPOSTAVI REGISTRA BUDŽETSKIH KORISNIKA
OPĆINE STARI GRAD SARAJEVO

Član 1.

Ovom Odlukom utvrđuje se način i svrha uspostave Registra budžetskih korisnika i potrošačkih jedinica, osnov za definiranje budžetskih korisnika, način upisa u Registar budžetskih korisnika, način brisanja iz Registra budžetskih korisnika, obavezni elementi registra, obaveze i odgovornosti za vođenje Registra budžetskih korisnika.

Član 2.

Registar budžetskih korisnika uspostavlja se u Općinskoj službi za finansije i trezor, koja je obavezna da isti sačini, vodi i ažurira. Općinska služba za finansije i trezor odgovorna je za uspostavu registra kao i ispravnost, ažurnost i tačnost svih podataka unesenih u registar.

Član 3.

Registar budžetskih korisnika se uspostavlja radi planiranja i evidentiranja finansijskih promjena i transakcija budžeta općine, s ciljem identifikacije odgovornosti i nadležnosti budžetskih korisnika i potrošačkih jedinica

Član 4.

Osnov za definisanje budžetskih korisnika - Razdjela Općine Stari Grad Sarajevo temelji se na Statutu Općine Stari Grad Sarajevo i na odlukama o organizaciji općinskih organa i to:

- Odluka o organizaciji službi Općine Stari Grad Sarajevo
- Odluka o Pravobranilaštvu Općine Stari Grad Sarajevo
- Odluka o stručnoj službi Općinskog Vijeća Stari Grad Sarajevo.

Svaki organ općine definisan odlukama je budžetski korisnik.

Sredstvima budžetskog korisnika raspolaže rukovodioc organa.

Općinski načelnik je izvršioc budžeta budžetskih korisnika u skladu sa Odlukom o izvršavanju Budžeta.

Budžetski korisnik može imati potrošačke jedinice. Potrošačke jedinice su osnovne organizacione jedinice korisnika (službe i sektori).

Član 5.

U skladu sa odredbama člana 4. ove Odluke budžetski korisnici su organi Općine:

- Općinsko Vijeće sa stručnom službom Općinskog Vijeća
- Jedinstveni općinski organ uprave (općinske službe za upravu i druge službe i sektori)
- Općinsko Pravobranilaštvo

U Okviru Jedinstvenog općinskog organa uprave i stručne službe Općinskog Vijeća Općine Stari Grad Sarajevo, uspostavljaju se potrošačke jedinice kao osnovne organizacione jedinice budžetskih korisnika.

Član 6.

Općinski organi koji eventualno nisu obuhvaćeni Odlukom o organizaciji općinskih organa ne mogu se definisati kao budžetski korisnici dok ne budu sastavnim dijelom iste.

Član 7.

U Registar budžetskih korisnika upisuju se svi korisnici i potrošačke jedinice Općine utvrđeni u članu 5. ove Odluke.

Registar budžetskih korisnika sadrži sljedeće osnovne elemente:

1. Redni broj
2. Organizacioni kod budžetskog korisnika-I NIVO
3. Naziv budžetskog korisnika
4. Organizacioni kod potrošačke jedinice-II NIVO
5. Naziv potrošačke jedinice
6. Organizacioni kod potrošačke jedinice -III NIVO
7. Fondovske kodove (šifre izvora sredstava)
8. Funkcionalne kodove (šifre funkcija koje obavlja)
9. Ime i prezime odgovornih lica korisnika i potrošačkih jedinica.

Datum ažuriranja registra.

Član 8.

Budžetski korisnici ne mogu biti pojmovno udruženja, nevladine neprofitne organizacije, političke partije i stranke.

Član 9.

Brisanje iz Registra, upis novih Korisnika kao i sve druge promjene vrše se na osnovu odluke Općinskog Vijeća.

Član 10.

Rok za uspostavu Registra je 30 dana od dana stupanja na snagu ove Odluke.

Član 11.

Sastavni dio ove Odluke je Registar budžetskih korisnika Općine Stari Grad Sarajevo.

Član 12.

Ova Odluka stupa na snagu danom donošenja, a naknadno će biti objavljena u "Službenim novinama Kantona Sarajevo".

Broj 02-49-308/12
28. juna 2012. godine
Sarajevo

Predsjedavajući
Općinskog vijeća
Stari Grad Sarajevo
Prof. dr. **Rizah Avdić**, s. r.

REGISTAR BUDŽETSKIH KORISNIKA OPĆINE STARI GRAD SARAJEVO

Rn br.	Organiz. kod I NIVO	Naziv budžetskog korisnika I NIVO	Organiz. Kod II NIVO	Naziv budžetskog korisnika II NIVO/ Potrošačke jedinice	Organiz. kod III NIVO	FOND	FUNKC.	Ime I prezime odgovornih lica korisnika I potrošačkih jedinica
1	2	3	4	5	6	7	6	7
1	1	Općinsko Vijeće	01	Općinsko vijeće sa Str.sl.OV	10100	O10	O100	Rizah Avdić
2	2	Pravobranilaštvo	01	Pravobranilaštvo	30100	O10	O100	Suada Hadžić
3	3	Jedinstveni organ Uprave	01	Kabinet Načelnika, Sekretar I Str.služba Kabineta Načelnika	20100	O10	O100	Ibrahim Hadžibajrić
4			02	Služba za privredu	20200	O10	1300	Alija Kamber
5			03	Služba za urbanizam	20300	O30	O700	Mirsada Smajić
6			04	Služba za stambene poslove	20400	O30	O700	Lejla Cerić
7			05	Služba za imov.pr.posl.i katastar	20500	O30	1400	Nevezeta Mulalić
8			06	Služba za finansije	20600	O10	1300	Senada Katica
9			07	Služba za boračko inval.zaštitu	20700	O10	O600	Sakib Avdibegović
10			08	Služba za socij.zdr.zašt.izbj.i rasejlena lica	20800	O10	O600	Senad Musić
11			09	Služba za opću upravu	20900	O10	O100	Hidajeta Kadrić
12			10	Služba za odnose sa javnošću	21000	O10	O100	Almedina Porča
13			11	Služba za civilnu zaštitu	21100	O20	O300	Zejnir Vukas
14			12	Služba za komun.posl.i investicije	21200	O30	1200/O700	Azra Kurtagić
15			13	Služba za inspeksijske poslove	21300	O10	O100	Vildana Taso
16			14	Služba za obrazovanje sport I kulturu	21400	O10	O400/O800	Amina Deljković
17			15	Sektor za tehn.posl.i obezbjeđenje	21500	O10	O100	Dževad Mandžuka
18			16	Sektor za poslove MZ	21600	O10	O100	Adil Alijić
19			17	Sektor za lokalni razvoj	21700	O10	O100	Tarik Poturović

DATUM AŽURIRANJA REGISTRA: 08.06.2012.godine